



# Arubaanse Courant

ANJA 25

DIAHUEBS 12 MAART 1964

No. 4986

## RUSONAN TA TUMBA AVION MERICANO

### Tripulacion a bula cu paracaída

WIESBADEN, 12 maart.- E cuartel general militar di Merca na Wiesbaden a participa cu un avion Mericano di transport di e tipo Hercules a wordu tumba riba Aleman Oriental. Tabatin tres persona na borde di e avion.

E avion a lanta na Francia pa un vuelo di ehercicio, for di e base na Toul - Rosieres. Ta worde acepta cu e l a worde tumba den cercania di e corridor central aerea pa Berlin.

Tabata e intencion pa e avion haci un vuelo di ehercicio riba Aleman Oriental. E tipo di avion Hercules RB-66 ta un avion di reconocementu cu dos motor jet.

Ministerio mericano di asuntunan exterior ayera noch a entrega cerca embahada ruso na Washington un protesta serio contra loke nan ta llama interceptacion inmediato dje avion

mericano RB-66 riba Aleman Oriental. Un bosero dje ministerio di defensa a bisa cu tres miembro dje tripulacion por a salba nan mes por medio di paracaída y a baha riba territorio di Aleman Oriental. El a bisa di no tin mas informacion y no kier a bisa con e ministerio a bin na altura dje noticia aki.

E protesta a ser haci oralmente pa sub minister di asuntunan exterior relaciona cu Europa, William Tyler, na un miembro dje embahada ruso, George Korienko, cu a worde llama ne ministerio di asuntunan exterior. Den e anuncio dje ministerio aki ta ser bisa, cu Tyler a bisa cu gobierno mericano ta lamenta e hecho cu e avion a dwalu y a bula sin di sa riba e linea di demarcacion entre Aleman Oriental y Occidental. Tyler a pidi gobierno ruso urgentemente di ordena su autoridadnan na Aleman Oriental di duna tur nan cooperacion pa entrega tripulacion y e avion.

Mescos cu un bosero dje ministerio di exterior a bisa, cu tres miembro dje tripulacion di RB-66 a haci uso di nan paracaída, pero cu no ta conosi, kiko a para di nan. Merca no ta duda, segun nan, cu e RB-66 a wordu intercepta. Tampoco nan por a duna mas informacion.

### K.L.M. kier ta prome na Aruba

ORANJESTAD, 12 Maart. - Di fuente bon informa nos a hanja sabi cu den circulan di KLM nan ta haciendo tur posibilidad pa e compania aki lo ta e promer cu lo baha cu avionnan jet na aeropuerto di Aruba. Manera ta conoci Trans Caribbean Airways a laga sabi cu medio di April nan promer jet lo baha na Aruba, mientras cu Panam, ya a anuncia di baha cu jet pa di promer biaha na Aruba dia 29 di April. Te ainda tur esfuerzo ta worde haci pa termina cu e extension di e pista di aterizaje y otro trabonan dia promer di April.

E compania Canadiense MacNamera na e momento ta trahando duro na e ultimo partinan di e extension di e aeropuerto. Tin un grupo grandi cu ta poniendo e ultimo parti ariba e pista di aterizaje y subida, mientras cu un otro grupo ta reglando e bandanan y partinan den centro di e pistanan y alavez tin un di tres grupo areglando e lugar di estaciona pa e jetnan.

Entretanto insidernan ta duda si KLM lo logra ta cla pa baha cu jet dia promer di April na Aruba. Door di e binida di jetnan KLM lo ta obliga pa inverti mas o menos un ton pa material nobo na aeropuerto. Parse cu e intencion ta cu KLM lo percura pa e parti tecnico di tratamiento di pasaheronan pa Panam, mientras cu e agente S.E.L. Maduro & Sons (Aruba) N.V. lo trata e asuntunan di pasaher.

HUMA UN CIGARIA  
VERDADERO  
HUMA UN

CAMEL



FAVORITO DI ARUBA

### Harold Oduber a retira

ORANJESTAD, 12 Maart. - Senjor Oduber, comerciante na Oranjestad, luna pasa a pidi su retiro como miembro di directiva di Camara di comercio. Senjor Oduber durante di e directiva anterior tabata vice presidente di Camara. El a pidi su retiro como segun su declaracion, trabao no tapermitie pa hasi sudeber na Camara manera cu mester ta.

### Extencion di

### La Esperanza

ORANJESTAD, 12 Maart. - Dia-una ultimo a cuminsa tras di La Esperanza na Oranjestad un extencion importante di e Supermercado. Mas o menos mltar di e tereno habri na e banda di Havenstraat lo worde usa pa un edificio nobo, den cual e depositonan, carnicerianan, departamento di despacha articulonnan y un gran cantidad di freezer. Esaki lo tin como resultado cu e lugar di haci bo compra den e edificio actual lo bira casi dos biaha mas grandi. E trabao ta worde haci door di "Bouwmaatschappij "Aruba" cu segun contract tin di traha e edificio den cinco luna. Ora cu na su debido tempo e espacio pa haci compra worde haci mas grandi La Esperanza lo extende su sorteo di articulonnan pa cas mucho mas, segun un declaracion di director Frans Wevernanos. Tambe e Supermercado lo hanja un refresqueria moderno, cual segun e plannan ta na e momento, lo keda habri tambe te 12'or di anochi. Despues di e extension resto di e tereno na e banda di Havenstraat lo worde usa como lugar di para auto. Tambe lo tin un entrada di e banda ey pa e Supermercado. Extencion y tur

loke ta bin aserca lo costa un dos ton.

FATUM Tel. 1845

pa tur bo aseguronan

### Huida pa occidente

BERLIN, 12 maart - Cincu hoben di Aleman Oriental anteyanochi a logra hui pa Aleman Oriental. Nan meste a pasa door di un campo di mina y barricadanan di prikkeldraad. Segun polis di Aleman Occidental, nan kier a retira dje servicio militar na Aleman Oriental.

*E ciudad Ktima' na Chipre tabata escena di bringamentunan violento den ultimo dianan aki. Riba e portret aki por mira e representante di N.U. general Gyani rondona pa un multitud grandi durante su bishita na e ciudad.*



HACI ARUBA MAS BUNITA: PLANTA UN MATA

# ULTIMATUM DI CHIPRIOTANAN GRIEGO PA FORZANAN INGLES

## Marina turco ta hala verlofnan aden

NICOSIA, 12 maart.- Autoridadnan Griego Chipriota na Kazapqani den Noord Cyprus a pone e trupanan Britanico den e luga aki dilanti un ultimatum cu nan meste sali dje pueblo ayera tardi 3'or ora local, segun un bosero Britanico militar a participa na Nicosia.

Pier Spinelli, hefe di e oficina di Nacionnan Uni na Europa, a sali fol Ginebra pa Nicosia, caminda e lo a actua como sucesor temporal di General Gyan, e representante personal di secretario general Oe Thant na Cyprus, cu lo baha pa rasonnan personal y urgente cu un siman di verlof.

Foi ayera nan a anuncia e verlof di general Gyan, pero despues a sigui un noticia, cu bista riba e situacion na Cyprus el a dicidi di renuncia su plan di verlof.

Awe mainta tabata en general ketu na Cyprus, pero na varios luga caminda tabatin bringamentu ta tenso ainda, segun e bosero militar britanico a anuncia na Nicosia.

Den e pueblo turco chipriota den norte, tabatin ayeranchi algun tiroteo.

President Makarios entre tantu a sali fol Nicosia pa Athena, caminda e lo asisti ne intiero di Rey Pablo.

E president chipriota prome cu su salida no a duna ningun declaracion.

Tur verlofnan di marina den e haafnan na sur di Turquia a worde hala aden despues cu e minister Turco di exterior, Erkin, a declara den parlamento cu Turquia lo tuma e medidanan necesario en conexion cu e lucha continua na Chipre.

Un portavoz di gobiernu di Chipre a bisa cu e chipriotanan turco na Malia a acepta pa pone nan mes bou di proteccion

di e forsan arma di gobiernu. Nan a entrega algun arma, entre cual scopetnan, stenguns, y 65 granada di man. E auto cu cual e armanan a worde transporta mester a soporta un yobida di bala di dos post. E ocupantenan di e auto a worde herida pero nan a logra scapa cu e auto, asina un portavoz di gobiernu a bisa.

Periodistanan, cu a bula den un helikopter riba Ktima, a mira destruccionnan grandi y ruinan na candela. Den un telegram na secretario general Oe Thant di Nacionnan Uni. President Makarios ta lamenta cu e extremistanan turco intencionalmente a causa e incidentenan aki door di actuacionnan arma.

E telegram tabata un contestacion riba un peticion cu Oe Thant a haci riba lidenan dje gruponan griego y turco di poblacion pa serra un armisticio.

## Minister Kroon a sali pa Corsow

SCHIPHOL, 12 Maart. - Radian- te di satisfaccion e minister Antillano di economia y asuntunan Social, senor C.D. Kroon, a sali di Schiphol via New York pa Corsow.

E lista di proyectonan, cu ta pertenece ne promer fase di e meerjarenplan, tambe a wordu acepta completamente pagobier- no Ulandes, segun el a bisa. Mi ta masha satisfechop a marcha cu e asuntunan.

Antillas ta hanja fianza di Ulanda pe proyectonan aki, asina cu nan por wordu ehecuta mas lihe posibel. E proyectonan di mas importante, ta esunan di construccion di hotel, y investigacion di suela. Na Corsow, actualmente nan lo cuminza cu un Hilton Hotel, na Aruba nan lo haci Caribbean Hotel mas grandi.

Na Aruba nan lo busca pa mineral.

Mi a haci uso dje oportunidad pa bishita tambe e fabrica Brons- werk na Amersfoort, segun e minister.

Ta traha akinan 24 obrero Antillano. Cu orgullo mi ta recorda, cu Tweede Kamer a llama e experimento aki un ehempel es- colar.

E negoshi aki ta bon prepara cu un resultado cu ta mas cu favora bel. Ta bai bon, e hombernan Antillano ta sintinan ma- nera na cas y ta mustra un mo- raal masha altu.

E resultado favorable a conduci cu entre tantu tambe e compania Amsterdam di dok a haci un pe- ticion cerca e minister pa 30 obrero Antillano. Na su regreso na Willemstad, e lo trata e asun- tu aki un bes.

nan mes cu mediacion obrerista, prome cu nan tuma tas paso, nes manera aki por evita decepcion- nan.

Causanan di dificultadnan cuta- batin prome, tabata entre otro door di insuficiente informacion y seleccion na buscamiento di obrero na Surnam.

Cu e obreronan busca foi An- tillas Ulandes te ainda no tabatin dificultad. En relacion cu estado di desempleo den e parti di rei- nado aki, ta di spera, cu un can- tidad grandi di Antillano lo trata di hanja trabao na Ulanda. Pa evita, e dificultadnan di tabatin cu e Surnamenjonan pasa tambe cu e obreronan Antillano ta ser recomenda di delibera prome cu nan busca obreronan na An- tillas.

## Trafico maritima den haf di Aruba

ORANJESTAD, 12 Maart. - E siguiente lista ta duna nos un idea di e trafico di bapornan y otro botonan den e haafnan di Aruba durante di luna di Februari di anja pasa y e anja aki.

A drenta cu loads  
Februari 1963

167 tankero	2.772.765 BRT
75 otro bapor	479.618 BRT
3 botonan di bela	179 BRT
245 total	3.252.562 BRT

Februari 1964

173 tankero	3.084.083 BRT
76 otro bapor	436.205 BRT
2 botonan di bela	118 BRT
251 total	3.520.406 BRT

## Television regala na Y.M.C.A.

SAN NICOLAS, 12 Maart. - Dia nuebe di Maart ultimo y Y.M.C.A. na San Nicolas a ricibi un set di television nobo for di senor George Britten di "All Electric Sales & Services" na San Nicolas. No unicamente senor Britten a regala e television, pero alavez el a instale y lo duna tur servicio necesario com- pletamente gratis. Naturalmente e directiva y especial hubentud di Y.M.C.A. ta masha contento y gradicido cu e bunita gesto aki di senor Britten.

*E famoso artista di  
cine mericano, Mar-  
lon Brando, a worde  
aresta pa polis ora  
cu e tabata pisca sin  
permit. Aki por mira  
Brando despues cu  
polis a detene.*

E cas ta biniendo cla, y ta  
duna un bunita bista.....



gracias na e staf di techni-  
conan cu ta duna bo tur in-  
formacion pa planea bo cas,  
renovacion of reconstruccion  
na un prijs masha razonable.

## PETRONA & CROES

### TA BUSCA

Un mucha homber papari-  
ti Arubaanse Courant na  
Tanki Leendert.

### E MESTER TIN BICICLETA

Pa inf: Acudi na oficina  
di Arubaanse Courant,  
Nassaustraat 85.  
Oranjestad.

### TA HUUR

### UN BEAUTY SHOP

Estableci cu equipo mo-  
derno y completo situa  
na Oranjestad. Condi-  
cion masha agradabel.  
Pa informacion jama  
Tel. 1932.

## Mario S. Arends y jiu kier construi motel y hotel na Oranjestad

ORANJESTAD, 12 Maart. - "Ca-  
dushi Motel" lo ta e number di  
e motel cu senor Mario S. Arends  
y su yiu Lorenzo kier bai con-  
strui den Nassaustraat. E cas di  
senor Lorenzo Arends y e edi-  
ficio banda di dje, esta Nassau-  
straat 150 lo worde cambia por  
completo. Cu e tereno ey tras  
lo tin bastante espacio liber pa  
un motel cu 24 camber dobel  
airecondiciona cualnan alavez tur  
lo tin mas nan banjo priva. Tam-  
be e complex lo hanja su propio  
restaurante y bar. Senjornan A-  
rends ta spera di cuminsa cu e  
construccion na fin di mei. Un  
otro plan ya hopi avanza ta esun  
pa reconstrui Lucky Strike Bul-  
ding na Oranjestad, den cual na e  
momento tin Mario S. Arends N.  
V. Elmar, un Hardwarestore y  
Aruba Commercial Bank, den  
un hotel. Ya e mapanan pa esaki  
ta cla. Segun ta worde spera  
lo worde participa den e edificio

## Trafico aerea na Aruba

ORANJESTAD, 12 Maart. - Ul-  
timamente un informacion a wor-  
de publica di e trafico aereo  
na aeripuerto di Aruba durante  
di luna di februari 1963 y 1964  
E lista ta duna nos e siguiente  
situacion dirante e luna mencio-  
na.

Pasahero	1963
A drenta	3546
Transito	1017
A sali	3425

Total: 7988

Pasaheronan	1964
A drenta	4099
Transito	879
A Sali	4161

Totaal: 9136

Aterizahenan	
1963	233
1964	289

## Show na beneficio di Un Yuda Otro


ORANJESTAD, 12 Maart. - Show  
na beneficio di un yuda otro no  
ta tuma lugar dia 22 di Maart  
pero dia cinco di April venidero.

E show cual ta worde presenta  
door di Aura Beauty Shop y Hotel  
Beauty Shop hunto cu Whitfields  
Dress Shop lo ta completamente  
na beneficio di e organisacion  
caricativo "Un Yuda Otro".  
E party di e show di "Hair-  
styling" lo ta bao di e gia di  
senjora Aura Croes, mientras  
cu e parti di "Show di Moda" lo  
ta acargo di senjora Mosa Whit-  
field. E show lo cuminsa cuator  
di atardi y lo tuma lugar den  
Klomp Klub di Aruba Carib-  
bean Hotel. Durante e show lo  
tin coffi, tee y bolo.

Fuera di e "Hairstyling" y show  
di moda, cu lo ta di un caracter  
especial probablemente lo tin  
atraccion musical, cu trio y  
cantantenan y alavez doorprize.

## Empleo pa obreronan Antillano na Hulanda

DEN HAAG, 12 Maart. - En a-  
delante directornan dje oficinanan  
Occidental di trabao lo pidi con-  
tratistanan Ulandes, cukler busca  
obreronan foi Surnam o Antillas  
Ulandes, di delibera prome cu  
autoridadnan na Ulanda, Surnam  
y Antillas Ulandes cu ta ocupa





## REUNION GRANDIOSO NA RIO DE JANEIRO

RIO DE JANEIRO, 12 maart. - E asosacionnan brazileiro a eligi dia-ernee awor dia 13 di maart como fecha pa reunion popular grandioso ne plaza dilanti de ministerio di guerra en centro di Rio de Janeiro, caminda presidente Goulart tambe lo papia.

A parse cu e demostracion di, lo bira un competicion nobo di forza entre gobernador Lacerda dje teritorio di capital president Goulart, su enemigo mortal di anjanan largu. E promer reaccion riba e anuncio dje reunion no a laga warda. E gobernador a prohibi e demostracion. El a bisa cu diabierna 13 lo ta un dia di sosiego Rio de Janeiro, cu cual e ta spera di kita exito dje reunion. Carlos Lacerda a justifica su sisionnan door di bisa den un memorandum special, cu e manifestacion riba diabierna awor un aprobacion den estilo di Nazi.

### Lectura pa prinses Irene y Don Carlos

AMSTERDAM, 12 maart. - E comite 29 di November 1962 cu ta contra armamentu di atoom y a declara su mes solidario cu tur nan cu talucha y sufripaliber di humanidad, a scribi Don Carlos, cu e lo demostra, si na e fase matrimonial nan haci propaganda carlista o facista. E tambe princesa Irene a hanja carta dje comite. Den esaki e a pidi pa un entrevista cu e princesa, pa dunele un lectura en cua e ta wordu informa tomente algun aspecto di Spanja, e princesa no sa ainda tomente nan, segun e comite, den entrevista cu nan a consede periodista Ulandes. E tambe e comite kier a pone e princesa na altura di su punto bista. E comite, cu anja pasa a demostra na Amsterdam en ocasion di participacion di Portugal ne otos di Navo, tapidi, Don Carlos pa papia tocante un cantidad casonan y situacionan na Spanja. E comite ta bisa di tapartida cu esnan, cu ta lucha pa derechonan humano.

### Bringamentu entre India y Pakistan

NEUW DELHI, 12 maart. - E minister di defensa na India, a participa den parlamento, cu truhanan di Pakistan den un bringamentu cu truhanan di India den mercancia di Jammoe, na Kasjmier, a usa mortirnan pisa y otro armanan. El a participa tambe, cu e truhanan di India a contesta e fuego. India, segun e minister di defensa, a entrega un queho serca e observadornan di nacionnan y a pidi pa mas observadornan di nacionnan Uni, cu ta vigila riba cumplimentu di e armisticio. E-aqui en coneccion cu aumentu di cantidad di violacionnan di frontera. India a bai di acuerdo cu un peticion di observadornan militar di Nacionnan Uni pa serra un armisticio o di 11 ora na Jammoe a Kasjmier. Observadornan durante e armisticio aki lo intenta di drecha az den e teritorio aki. Den e teritorio di Jammoe taban e ultimo seis dianan aki bringamentu entre truhanan di India y Pakistan.

E ta indigna pasombra ehercito federal lo percura pa seguridad di e reunion, cu polis di Guanabara di cual Lacerda ta gobernador, a prohibi. E gobernador a scribi cu e comunistanan cu ya a anexa e president kier tin mando tambe den ehercito, locual lo demoralisa e soldanan.

E ta conseha e Democraatan di wordu somete pacientemente ne humilacion.

Gobierno Central y e asosacionnan di sindicato organisa ta tene actualmente un silencio grandi. Nan ta spera cu president Goulart lo proclama ne reunion un desicion cu ta pone gobierno den e oportunidad di despropia e terranan dje camindanan federal pa repartinan entre campesinonan. Esaki no a wordu confirma oficialmente. Si ta segur, cu e asosacionnan sindicalista cu perimite di gobierno lo kier demostra diabierna demostracion di nan forza. Tambe ta segur, cu e president en todo caso lo papia. Pero no ta conoci ainda kiko e lo bisa.

### Sonny Liston den prison

DENVER, 12 maart - E ex-campeon mundial peso completo Sonny Liston, cu luna pasa a perde su titulo den un pelea contra Cassius Clay, a keda aresta pa polis di Denver riba acusacion di corrementu duru di auto, sin di tin den su poder un rijbewijs valido y di tin un arma prohibi den su poder.

Liston a keda aresta ora cu e tabata corre cu velocidad di 110 km den un teritorio caminda e limite di velocidad ta 50 km pa ora. Na su detension, caminda nan meste a llama mas polis, pasombra el a pone resistencia, Liston tabatin un revolver cu seis cartushu den su sacu. Sonny Liston 16 biah tabata relaciona cu polis y a hanja straf den prison door di ladronisia y resistencia contra polis.

Despues di pago di un suma di garantia di 300 dollar Liston a keda den libertad atrobe.

### Dr. Mansholt a

### jega Paris

PARIS, 12 maart - E vicepresidente dje comision di EEG, dr. Mansholt, ayer anochi a declara na Paris, cu durante su recien bishita na Washington, e minister mericano di agricultura, Orville Freeman, a resulta di ta pensa riba garantisa-cion riba termino corticu pa comercio. E garantisa-cionnan aki, nos por duna, segun dr. Mansholt.

El a bisa esaki den un conversacion cu periodistanan despues di un reunion dje departamento frances dje movimentu Europeo na Paris, caminda nan a papia tocante e venidero deliberasionnan di tarifa na Ginebra.

Dr. Mansholt ta kere cu e deliberasionnan aki lo por dura un te dos anja y lo ta un continuua lucha.

Tambe e tin miedu, cu e bon intensionnan di president Kennedy tambe e tin miedu, cu e organizacion pa tarifa y comercio lo no tene e bon intensionnan di president Kennedy encueta. Lo no ta un buelta Kennedy, segun Mansholt pero, deliberasionnan tocante e acuerdo general tocante tarifa y comercio.

# Sorpresanan Amstel

Sorpresa... y mas sorpresa

AMSTEL!

Exigi... y bebe AMSTEL.

Waak bau di e tapa... y...

haya GRATIS... dos, tres

of mas ainda...



Si, waak bau di e tapa... y haya 5, 25, of 100 florin di REGALO! Esaki si ta facil! Djies waak bau di e tapa di e sabrosissimo AMSTEL y gana... MILES y MILES di florin.

Esaki ta otro sorpresa

AMSTEL.

AMSTEL... e marca di calidad!

Sorpresa... Sorpresa!

SORPRESANAN AMSTEL!



### Avion di KLM a slip

DEN HAAG, 12 Maart. - Ayera tardi un DC-7 di KLM, a slip ora cu el a baha na Ginebra, na fin dje pista, caminda el a dal contra un barricada di palu. E avion, conduci pa piloto Frendo, a hanja danjo ne propeller y ne klepnan di ala. 25 Pasahero por a sali sano y salvo, despues dje avion. Segun KLM nan ta haciendo actualmente un investigacion pa causa dje desgracia.

### Izvestia ta menaza

MOSCU, 12 Maart. - E corant di gobierno Ruso "Izvestia" a scribi cu e avion nobo mericano cu reaccion a chorro, "A-11", ta sperando mesun destino cu e avion "U-2" di Powers, si e ehercidornan di guerra frie na otro parti di cortina di herutata na use pa mesun finnan.

Bou di e titulo "Sucesor di U-2" e corant a cita e revista mericano "Aviation and Space Technology", segun cual ya e avion nobo a haci vuelonan di reconocimiento riba teritorio comunista.

E pretencion aki a causa cierto bruhamentu den circulo militar na Washington y nan a pura cu desmenticon di e noticia "asina Izvestia" ta bisa, pero e desmenticon tabata di caracter cuidadoso.

Segun e corant Ruso henter e

historia ta causa e impresion cu un persona na Merca ta anhele un version mehora di e avion di spionaje "U-2". E vuelo di e avion "U-2" na anja 1960, a sali Merca caru, sigur riba punto di su prestigio, asina e corant ta bisa.

### ARUBAANSE KUNSTKRING

ta presenta

e famoso declamadora

Nel Oosthout

Diadomingo 15 di maart pa 8.30 'or p.m.  
den CENTRO CULTURAL

Entrada: Miembros f. 2,50 ; no miembros f. 3,50.

Kaarchi ta obtenibel na De Wit Stores

## SUR AFRICA TA PIDI RETIRO DI O.I.T.

CIUDAD DEL CABO, 12 maart.- E minister Sur Africano di trabao Troilip, a participa e camara di delegadonan cu gobierno a dicit di retira Sur Africa dje organisacion internacional di trabao.

Como rason pe retiro e minister a bisa cu e hechonan hostil contra Sur Africa ta aumenta.

- E asociacion Sur Africano di trabao den un carta ne miembronan dje conseho municipal di Den Haag a tuma posicion contra e accion contra fruta di Sur Africa, cu e comite Sur Africano tin idea di ehecuta na april y mei proximo contra cumpramentu di fruta Africano pa Ulandesnan.

### Arestacionnan na Lima

LIMA PERU, 12 maart.- 10 persona, principalmente estudiante nan a keda aresta na un demonstracion caminda nan a protesta contra aumento di tarivanan di bus. Polis a haci uso di gas lacrimogeno pa corre cu e demonstrantenan cuta trata di stroba trafico.

Mas o menos 500 campesino a ocupa cunucosnan particular den e teritorio di Urubama na Peru. Nan a ofrese donjo dje terreno, un collegio scientifico di pagele anualmente un renta di 30.000 doles.

Autoridadnan a manda polis pa mantene orden den e comarca aki. Pero polis a hanja orden pa no corre cu e campesinonan.

E asosacion a bisa di a tuma posicion contra e accion aki den interes dje bon relacionnan entre Ulanda y Sur Africa, den interes di tur e 4 gruponan di e poblacion na Sur Africa, cu na un boycott solamente lo tin perdida. E asosacion ta contra e peticion cu a ser haci ne conseho municipal pa sorru pa no haci reclama publico pa venta pa apelsina Sur Africano.

### Sabotage na Sur Africa

CIUDAD DEL CABO, 12 Maart. Bathazar Vorster, e minister Sur Africano di husticia, a participa den senado Sur Africano, cu 900 te 5000 hende a bandona Sur Africa pa sigui un instruccion como saboteador na Tanganjika, Ghana, Argelia y Cuba.

Hopi di nan a regresa y mas di 150 saboteador instrui a worde arresta.

Segun e minister e sabotage a cuminsa na december di 1961 na gran escala. Tabatin 203 caso serio anja pasa di e stipulacion encunto detencion di nobenta dia.

E minister a participa tambe, cu tambe den e protectoradonan ingles Beetsjoenaland, Swaziland y Basoetoland saboteadornan ta worde instrui.

Dia 31 di januari tabatin 60.000 hende presu na Sur Africa di cual mas di 41.500 hombernan Africano y 4.900 muhenan Africano.



LABAMENTO DI PAN-  
JA SIN DOLOR DI CA-  
BEZ



gracias na yudanza di

REDDY!

Minister di exterior di Hulanda mr. Luns ultimamente a tene un discurso den un misa na Amsterdam, caminda e portretnan aki a worde saca. Prome cu el a subi e kansel tabata mustra cu e no tabata sinti su mes muchu sigur, husgando e expresion di su cara mientras e ta mustra riba su subida.

## Demostracionnan anti- mericano na Cambodja

PNOM PENH 12 maart - Multitudnan grandi awe mainta a demostra dilanti e embahadanan mericano y britanico na Phom Pehn, capital di Cambodja.

Dje embahada mericano nan a kibra bentanan di glas, mientras cu e bandera mericano a ser baha y reemplasa pesun Cambodjano.

Dje embahada britanico nan a trata di sende na candela. Polis despues di hopi tempu a logra corre cu e demonstrantenan. Na un conferencia di prensa tene despues pa principe Norodom Siha Noek, hefe di estado, a lamenta loke a pasa y a declara su mes dispuesto di paga tur e danjo causa.

Entre tantu asamblea nacional y conseho ministerial di Cambodja, awe, durante un reunion extraordinario a aproba un resolucion den cua nan ta acentua e actitud dje hefe di estado en contra Merca y nan aliadonan y ta pidi e gobierno di cuminsa deliberacionnan cu Vietnam del Norte y Pathet Lao tocante reco-

nosimentu di neutralidad di Cambodja y inviolabilidad di su teritorio.

Despues di a baha e bandera dje embahada mericano esaki ritorio.

Despues di a baha e bandera dje embahada mericano esaki a worde kima pa e demonstrantenan. Tambe varios di nan a hanja heridanen leve.

### Reina Elizabeth a hanja jiu homber

LONDEN, 12 Maart. - Reina Elizabeth a duna luz na un yiu homber, su di cuater yiu, asina a worde participa oficialmente. Mama y yiu ta den bon estado.

### Medidanan economico di president Goulart

RIO DE JANEIRO, 12 Maart. - President Goulart di Brazilia a anuncia di tin idea di cambia fecha pa cuminzamentu di anja di presupuesto y di disminui e presupuesto pa 1964 drasticamente.

Cu esaki e ta tene den bista pa cambia e disciplina financiero y economico. Den un discurso di Radio e president a bisa cu e kler cambia fecha dje anja di presupuesto pasonibra dos tercera parti dje gastunan mas importante di gobierno ta cai den e di dos parti dje anja aki. Actualmente e anja di presupuesto ta cai huntu cu e anja calendario. Presidente Goulart a duna orden di lanta un oficina federal financiero tambe un grupo interministerial di trabao, cu mester haci un investigacion pa actividadnan di companianan di estado.

E yiu homber di dies-un anja di president Raul Leoni di Venezuela aki ta hunga dilanti e residencia di e president nobo. Desde cu dr. Leoni a worde eligi como president e ta worde protege pa un guarda espalda armá tambe e familia di e president manera e portret aki ta mustra.





MARQUETTE

Welding &amp; Cutting

Equipment

Battery Chargers



Antillian

Mercantile

CORPORATION N.Y.

ORANJESTAD

Phone 1145

SAN NICOLAS

Phone 5635

„Always at your Service,,

NABCO

BATERIA PA AUTO

Producto di Antillas Neerlandes awor obtenibel na Aruba agente:

E. &amp; G. MARTIJN (ARUBA) LTD.

avenstr: 10 -12

tel: 1492-1493

Calidad excelente na prijs atractivo!

## Llama di Oswald dilanti huez como testigo

LLAS, 12 maart.- Jack Ruby, enfrenta pa di prome biaha querite Oswald, mama dje ber cu el a asesina, ora cu ora Oswald mama dje proba- asinato di president Ken- y a llega ne edificio di jus- tal, el a wordu llama inme- amente riba peticion di fiscal no testigo, pero despues a ser ticipa cu fiscal tabatin miedu ora Oswald como espectador bisa algu den presencia di ju- to, y influencia asina e proce- Senjora Oswald dialuna ano- a llega Dallas fol New York n idea di keda ne luga aki te final dje proceso. Pero como tigo e no tin mag di dreña durante otro interrogacion- . Te ainda no ta conosi si laderamente e lo sal dilanti rte di justicia como testigo. ora Oswald a bisa cu e pasobra tabata Lee Harvey ald mester tabata wordu sen- la.

## Rebeldina ta causa accidente fatal

ENENDAL, 12 maart.- Na un andina a nivel den e luga Rens- de, un trein di Arnhem den dina pisa a lastra un truck. chauffeur a muri al instante. or cu e conductor dje trein cu erde conosamente y akeda he- a. E trein a lastra e truck un distancia di dos km. Tam- tabatin candela den e parti di- ti dje trein caminda e tanki umbustible a explota. abatin panico entre e pasahero- di trein.

Ora cu senjora Oswald a wordu compania den sala di justicia el a busca inmediatamente mirada di Ruby. Senjora Oswald a laga su wowonan sosega pa un ratu riba cara di Ruby y despues a presta juramentu na juez Brown. Despues Ruby abisa su defensor- nan algu. Despues di su juramen- to senjora Oswald mester a sali di sala di justicia.

## Contrabanda di heroína

MEJICO, 12 maart - 20 per- sona, entre kende varios mu- het a keda aresta y mientras cu tambe 15 kilo di heroína di un balor di mas o menos 4 mil- lon dollar a keda confisca, des- pues, cu polis mejicano a de- tene na Mejico un hoben mejic- cano, Alfonso Bonilla. Bonill a a transporta cu avion 10 kilo di heroína den maleta- nan cu dobel banda. E corant mejicano ultimas noticias, a scirbi, cu e banda cu a wordu descubri actualmente na Mejico,


tin mas miembro na Francia Italia y paisnan di cercania o- riente. Polis no a publica nom- ber dje personanan aresta.

## Huelanan na Francia

PARIS, 12 maart. - Ambtenaar- nan Frances di coreo y personal di navegacion aerea a anuncia huelganan pa otro siman. Nan a duna e anuncio aki den cuadro dje ofensivo di primave- ra pa mas sueldo pa ambtenaar- nan civil y empleadonan di em- presanan publico.

Den e catedral grie- go-orthodoxo na Ate- na, e restonan di rey Pablo ta drumi cu a falece siman pasa. Awe, manera anun- cia, entierro ta tu- ma lugar.

Rey Constantin di Grecia aki en com- pania di su mama reina Frederika





*Un recién portret di senjora viuda Jacqueline Kennedy. Aki e ta combersa cu e president di e conaseho*

*di estadonan mericano, despues cu e ultimo menciona a delibera na Washington tocante estable-*

*cimento di un biblioteca Kennedy en memoria di e president Mericano.*

## Extra - Extra - Extra

SPECIAL PA LUNA DI MAART!!!

NSU

**MODELO 1964 QUICKLY T**  
(f. 467.50)

**MODELO 1964 QUICKLY**  
**S 2/23 (f. 340.--)**

- \* 2 Hp.
- \* 3 speed
- \* 50 cc.



Mas ventaha di:

**Seis luna servicio gratis -**

**Unica lugar cu ta drecha bromfiets -**

**Unico cu ta tene gran surtido di parts**

**E OFERTA AKI TA VALIDO PA LUNA DI MAART SOLAMENTE.**

**ARUBA HARDWARE C.V.**  
**(Brenchi)**

tel. 1057

tel. 1057

## Desertor hulandes ta na Liberia

MALTA, 11 Maart. - E lectromonteur di Marina Hulandes, kende diasabra a bula di Malta pa Libia e so y sin autorisacion, actualmente ta na Libia ainda cu su avion.

Un portavoz di Marina Ingles na Malta, a participa, cu oficialnan Ulandes cu a sali Libia, pa trata entrega di e militar y e avion, a bolbe inmediatamente. Segun e portavoz a participa e caso ta worde atende riba nivel gubernamental.

Di fuente Ingles na Libia a worde participa, cu e avion a baha na un aeropuerto banda di Benghaza y tabatin combustible pa solamente dies minuut mas di vuelo.

## Doctrina nobopa Union africano

DAKAR, 11 Maart. - Un union Africano Malagasco, den cual 14 pais Africano di habla frances ta uni, practicamente a stop di existi como organizacion politica.

E presidente di e union, president Moktar Ould Daddah di Mauritania, a participa cu en lo futuro lo keda pa e organizacion pa Union Africana, cu ta consisti di paisnan Africano independiente. Ademá e union lo traslada su sede di Cotonou na Dahomey pa Yaounde na Kameroen. E miembronan di e union Africano Malagasco lo reuni otro luna na Nouakchott pa firma un doctrina nobo pa e organizacion.

*Gina Lollobrigida, e famoso artista Italiano, durante su bishita na Japon - mester a subi e "mat" cu un japonés hoben. Cu su sombre riba su cabes y pia abao e artista ta purba un grip di judo. Kende a gana e duelo nos no sa, pero pa Gina tabata un motibu pa saca un potret atrobe.*







## INUNDACIONAN NA SUMATRA

JAKARTA, 11 maart.- Segun un comunicado a anuncia inundacion an ta azota central Sumatra, or di cua di 50.000 persona a keda evacuado. Door di inundacion cu causa pa un siman di llovida cu, hopi plantashi di arroz a keda destrui. Foi Pakan Baroe, un munda awa ta corre den caya, y tambe nan meste a evacua 10.000 persona.

Personal di un refinaderia di petroliero cerca di Pakan Baroe a wordu alcanza solamente bato.

## CRITICANAN RIBA SUR AFRICA

NEW YORK, 11 maart.- Den un rapport ne comision special pa apartheid di asamblea general Nacionnan Uni ex promer minister di Nepal ta bisa cu e plan di Sur Africa, pe territorio gobernacion Zuidwest Africa,

*E premier di Algeria, Ben Bella a hasi un bishita oficial na Jugoslavia. Na su llegada na aeropuerto di Belgrado e huesped a worde saluda calurosamente pa president Tito (drecht).*

tin como fin, di reparti e territorio den estadonan Bantoe. bita y uni henter e territorio mas intimo cu Sur Africa.

Segun e rapport, e parti mas rico di Zuidwest Africa a keda reserva pa hendenan blancu, cu ta forma solamente un sexta parti dje poblacion.

Tambe nan ta bisa den e rapport, cu e gobierno di Sur Africa a continua cu ehecutacion di importacion di equipo militar mientras cu produccion di arma y munition na Sur Africa a wordu expande.

## Debate historico den Senado

WASHINGTON, 11 maart.- Senado mericano a cuminsa cu e debate historico tocante derechonan civil. Adversarionan di igualdad rasial, principalmente di estadonan meridional, a anuncia, cu nan lo trata door di tene discursonan di oranan largu di evita aceptacion dje proyecto di ley en kestion.

Nan a logra di stroba durante tres ora, cu senador Mansfield a entrega un mocion pa trata e proyecto di ley inmediatamente den e reunion plenaria, segun di a llega prome pe comisionnan.

Tabatin presente un como 20 senador. E tribuna publico tabata yen yen. Tratamento dje proyecto di ley por dura varios luna, door dje oposicion pa comete tur sorto di produccion cu taposibel.

## Nacionalisacion na Brazil

RIO DE JANEIRO, 11 maart.- President Goulart di Brazil tin idea di firma dia 19 di april proximo un decreto caminda nan lo nacionalisa "Refinaria Uniao", na Capuava den estado Sao Paulo. Esaki te refinaderia particular petroliero di mas grandi den e pais.

Door dje nacionalisacion aki a llega tambe e ultimo fase dje plan pa crea un monopolio completo di estado, cu cua nan a cuminsa 10 anja pasa ora cu nan a lanta e compania di monopolio di estado "Petrobras".

"Refinaria Uniao", ta un dje seis refinaderianan particular cu Un produccion total permiti di 57.000 Brazil. Restu ta wordu produci pa tres refinaderia "Petrobras".

## Proceso contra ex-nazi

KIEL, 11 Maart. - Den e proceso contra ex oficial di SS, cu ta worde husga na Kiel pa motibo di a asesina 1500 hudu na Rusia, corte a laga lesa notanan di e lider mas altu di SS di Hitler, Heinrich Himmler, cu tabata describi locura di e teoria di destruccion di e Nazianan. Himmler tabata yama e solucion pa e problema di hudu un episodio afama den historia aleman, cu nunca lo worde scribi.

E acusado Graafis a bolbe bisa cu el a ehecuta solamente orden-

dero tabata pensa di casa atrobe, maske tabata tin 55 anja caba, y den su pensamiento Ina ta hunga un rol importante. Pero tabata tin un hende mas cu tabata tin e muhé elegante y delegá na bista. Y esey tabata Gilbert, e ganadero joven. Ya el a lubida e amor cu etabata sinti pa e mucha muhé di promé y awor e ta contento cu su tata a poné kibra cu né. Pero cu Ina ta henteramente diferente. Ora nan dos ta paplando cu otro y cu Ina mirele cu su wowonan grandicolas shinishi, e ta sinti deseo di tene su cabez y jené cu sunchi. Solamente ora Ina hunga cu Etel, cara ta cambia poco, e ta bira mas sensible. Y hasta hari e ta hari y e ta gusta Etel masha hopi.

Despues Ina a haya sa cu Gilbert ta stimé. Gilbert mes no tabata sa di unda el a saca e curashi di papia cu Ina tocante su sentimentonan. Na e momento aki e ta pará dilanti Ina y ta mirele cu un cara suplicante. "Ta asina difícil pa bo, Ina, pa bo stimami maske ta un tiki?"

"Cuanto anja bo tin Gilbert?", el a puntra na lugar di contesté. Su cara a bira corra, su wowonan tabata lombra, y cu orgullo el a lanta su cabez bisando: "Pakiko bo ta puntra esey Ina? Djes pasobra mi ta algun anja mas jong cu bo? Ta kiko e seis anjananta nifica? Pensativa Ina a keda mirele, y su cara a bira serio. "Ta seis anja

## RADIO CARACAS TELEVISION

8.45 Senderos de luz  
9.00 T.V. Educativa  
10.30 Cosas de mujeres  
11.15 El hogar y el moda  
11.45 Novela  
12.00 Noticias  
12.05 Show de Renny  
13.15 Se necesita una amiga  
13.35 Cortos  
14.00 Yo se lo vendo  
14.30 Documentales  
15.00 Estudio de Hector Monteverde  
15.30 Perfecta ama de casa  
16.00 Mejias y sus muchachos  
16.55 Busque su marca  
17.15 Loteria  
17.30 Revolver a la orden  
18.00 El Santo  
19.00 Los detectives  
19.30 Pajaros de acero  
20.00 El Observador  
20.15 Torrealba y sus Torrealberos  
20.45 Esta noche Billo  
21.15 El matrimonio perfecto  
21.45 Los defensores  
22.45 Noticias  
23.00 Cine en español

nan.

Dos ex-oficial di SS a declara cu den e tempu ey no por a ninga di eherce un orden ya cu esey ta igual na suicidio.

Esun cu resisti contra un orden ta worde fusila inmediatamente of traslada pa un unidad di castigo.

## Estudio di apartheid

NEW YORK, 10 Maart. - Den su anja di sesion 1964, cu a cuminsa e comision special pa apartheid, lo estudia e desarollonan nobo y serio na Sur Africa. E comision a wordu instala cu fin di tene e politiek rasial dje gobierno Sur Africano den bista den tempu cu asamblea general no tin sesionnan.

## Aventurero di chiqui

MUIDEN, 10 Maart- Pieter Hagers di 10 anja foi Muiden qu a hui di su cas maternal diahuebs pasa, a wordu hanja. E hoben a cohe placa y a sali pa Weesp, caminda el a gasta e placa principalmente na potatoes chips. A nochi el a drumi den un auto stacioná na Muiden. Diasabra un habitante di Muiden a mira e aventurero aki y a avisa polis.

so, Gilbert? Ami ta kere cu ta eternidad mes. Asina ta, no papia mas tocante esey cu mi. Abo ta asina joven y saludable. Pero ami.....den mi curazon mi ta asina cansá, asina bleeuw.....Segun mi, ya mi a biba mi bida ca-

ba, y solamente morto por duna mi e sosiego cu tanto mi ta anhelá. "Ina! Bruto Gilbert a coy su man tene. "Abo ta e muher di mas bunita cu mi a mira, mi ta stimabo, y nunca mas mi por stima un muhé manera mi ta stimabo. Cása cu mi, y lo mi haci tur cos posibel pa hacibo felis. Y asina bida lo bira pa bo tambe bunita."

"No Gilbert, lo ta picá pa bo hubentud, pa bo optimismo esplendido. Aina bo ta kere den bida, ami a perde e keremento ey caba. Pesey mi ta rogabo Gilbert, laga nos keda bon amigu di otro y no corre cu mi foy bo cas. Pasobra si bo no ta usa bo sinti, anto mi ta hayami obliga di bay di akina. Gilbert a keda mirele y su cara a bira palido. "Bo no ta stimami anto, Ina?" Ina a sonrei y a pasa man den Gilbert su cabey. "Mi ta stimabo, manera un muhé por stima su ruman homber, Gilbert.....pero amor....mi curazon ta morto, el a muri di un sufrimento indecible, y nunca mas mi por stima un homber. "Ina, esey no ta berdad. Ta bo mes ta kere esey den bo cabez, mi a lesá e deseo den bo wowo-

## AGENDA

ARUBAANSE COURANT  
diariamente cu excepcion di diadomingo  
subscription f. 3,25 pa luna edicion los 20 ct.  
edita pa:  
N.V. ARUBAANSE DRUKKERIJ  
- en UITGEVER - en PUBLI-  
CITEITS MIJ.  
Imprimi na:  
N.V. DRUKKERIJ  
„DE STAD,,

Telefoon 1116 Directiva y redaccion, 2116 Anuncio y subscripcion.  
Directeur hoofdredacteur:  
D. Wolff.

POR CUMPRAR ARUBAANSE  
COURANT NA E SIGUENTE  
LUGARNAN:

NA ORANJESTAD:  
BOEKHANDEL MARISKA.  
PIET SODA FOUNTAIN.  
REFRESQUERIA INGRID.

NA SAN NICOLAS  
NICOLAAS STORE.  
UNION STORE.

## TELEARUBA

5.30 Children Hour.  
6.00 Industry on parade.  
6.15 Corliss Archer.  
6.45 Nieuwsberichten.  
7.00 Seahunt.  
7.30 Information Amstel.  
7.45 Tombstone territory.  
8.15 The Honeymooners.  
8.45 Viana's Latest News.  
9.00 Ben Casey.  
10.00 Tele Aruba special.  
10.30 Sign off.

## WIT-GELE KRUIS

Oranjestad: Zr. Ewolda  
San Nicolas: Zr. Perpetua  
Santa Cruz: Zr. Ludovic

## CINE

Diahuebs 12 Maart:  
De Veer: 8.00 p.m. "Gigot" all  
Rialto: 8.00 p.m. "The Trunk 18j.  
Principal: 8.00 p.m. "Speed  
Crazy" 18j  
Aurora: 7.00 p.m. "Als het net  
zich sluit" 18j  
Savaneta: 8.00 p.m. "Amor a  
Balazo Limpio" 18j

## AMARGA EXPERIENCIA

Novela pa

*Pancho Papa la Poncha Pi*

No. 19.

blo su cara a bira palido y e bataba hala rosea pisá. "Olger buskele. Te ainda e ta stimé, pero e no por a hayé. Y pesey a sufriendo, y hasta e ultimo ha cu el a topa cu né, Ina a até indiferente. Y bon mirá, ger ta completamente innocent pasombra ta ami a lanta caminnia riba Olger, mi a gané hopi s di Olger cu notabata berdad". Ordena nos nos debenan, manera ta pordona nos debedornan". Maria a bisa pocopoco, mientras a cruza su dedenan. "Ta posibel cu tin pordon pa mi faltan", Pablo a puntra. Ina a paga debe caba, y toch mitabatatin as falta cu né. Pasombra el a cié netamentop a amor, y mientas cu ami a tormenté, mi a la e mucha, kende a bira asina felis, pa mi culpa, y mi no por soporta su gritamento mas. abata un alivio pa mi, ora cu no tabata jora mas. Amor di ama y sufrimento di mama.

Por ta existi algo mas bunita cu amor di mama? "E ultimo palabranan aki a sali pocopoco foy boca di Pablo, y Pablo su wówo a jena cu awa. "Etabata un muhé admirable". Pablo a bisa esaki casi cu repugnancia y Maria no a sinti su mes ofendí. "Despensami Maria, no ta pas pa mi papia cu bo di dje asina", Pablo a bisa, mientras el a drey miré. Sra. Maria a lanta para y a bay serca dje. El a caricia su cabeynan, y Pablo a serra su wowonan. "Nos tur tu mesun hende Pablo, y kende ta sin falta? Mi ta contento cu bo tin duele di e pover muhé ey cu mester biba solitaria y amargo pa resto di su bida. Dios laga pa é haya descanso".

XXXXXXXX

Ina a cuminsa custumbrá masha bon na e cas di ganadero... For die dia cu Ina a bin biba eynan e ganadero a haya mas bida den su curpa. Hasta tabata tin ora cu e gana-

nan, ora bo ta kere cu mi no por a ripara. Pakiko bo no ta tende loke bo curazon ta desea? Ina a hala un paso atras y a bisa: "Por favor, stop di papia den number di Dios! No laga tur cos renacé atrobe, pasobra a costami hopi trabao caba pa domina mi mes, bo no sa Gilbert.... Ay mi Dios.....bo no sa nadal!" Y prome cu Gilbert a realizá su mes loke a pasa, Ina a corre bay. Gilbert....for di promé biah cu Ina a mirele, el a haci corda masha hopi riba e homber, cu e tabata stima cu locura, y cu despues el a corre cu né, pasobra Pablo a bisele cu un otro muhé tin mas derecho riba dje cu é mes. Olger Banru....

Ki ora cu Gilbert topa cu Ina, e ta kita camina pé. El a bira un homber keto y serio, cu ta haci su trabou sin papia nada. Su tata a keda masha sorprendé ora cu el a ripara e cambio ey, pasobra antes tur ora bo ta hanja Gilbert cu Ina, y awor no mas. E ganadero bjuueuw tabata jaloers, cada biah cu el a weyta nan dos junto, pasobra e tabata tin miedo cu su jiu lo kita e muhé foy dje, cu é mes a kies pa bira su senjora. Ina no tabata worry cu loke ta pasando ey den. E tabata haci su trabao tur e dos hombernan mes bon y ademas e tabata sinti su mes felis teniendo amor di Etel.

E ta sigui....



**NP KIRBY**

pa cortesia di:

**JAN BODEGOM & CO (ARUBA) N.V.**Agente exclusivo di **FRIESCHE VLAG** lechi evaporado y lechi en polvo**MAXWELL HOUSE KOFFIE.****CISCO KID**

pa cortesia di:

**ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba.


**BUCHI ROBEZ**

Pa cortesia di:

**REFRESQUERIA INGRID**

tel: 1849

E mihor adres pa snacks, tur clase di dushi, softdrinks, ice-cream y revistas.

**PEPITA**

pa cortesia di

**OFICINA MARITIMA DE ARUBA**

TRANSPORTACION DI MERCANCIA Y MUDANZA TEL: 2664/1622.

**DICK TRACY****Horoscopo personal**

ARIES 21 Maart - 20 April

Awe bo no por confia mucho ariba bo sentimento y emocionan, ora cu bo constata caranan nobo rond di bo tene bon cuidao. Tambe de asuntonan financiero bo opinion ta malo awe.

TAURUS 21 April - 21 Mei

Awe lo no ta facil pa bo influencia e actuacion di otro, pero ariba tereno di amor bo oportunidadnan ta mehorando. Tene bo mes na altura di loke ta pa sosodiendo rond di bo.

GEMINI 22 Mei - 21 Juni

No pone mucho atencion awe na ideanan di otro, bo propio ideal lo ta miho. Pero sin embargo tene cuidao cu desicionan. Miho bo iaga trahamento di planan etc. pa otro dia.

CANCER 22 Juni - 23 Juli

No perde tranquilidad ora bo descubri algo menos agradable. Den cuestion di placa bo por resulta ganja. Tene curashy noperde brillo un dos tres.

LEO 24 Juli - 23 Agosto

Duna otro nan oportunidad pa traha plannan, pero no conta mucho cu yudanza fuerte, ora cu bo tin mester di esaki. Anochi ta favorable pa romance.

VIRGO 24 Agosto - 23 Sept.

No spanta pa trabao of loke bo hefanan ordenabo pa haci. Bo tin hopi pa haci, pero percura pa bo salud ta na orden. Come bon.

LIBRA 24 Sept. - 23 Okt.

Awe ta muestra un dia mas favorable pa bo, pero cumpli cu bo debernan di trabao. No had gastonan grandi. Desunionnan por worde aregla.

SCORPIO 24 Okt. - 22 Nov.

Lo no ta facil pa cambia situacionnan of piannan sin aprobacion di hendenan den bo becrario, cas of trabao. Tene cuenta cu nan anochi akly sea content den e dia di awe.

SAGITTARIUS 23 Nov. - 21 Dec.

Por ta cu cierto personanan rond di bo lo fastidiabo, pero no laga esaki ta un motivo pa bo negligencia bo trabao of ta menos cortés. Despues di merdia ta un bon tempo pa deliberacionnan y contactnan.

CAPRICORNIUS 22 Dec. - 20 jan.

Bo por haci bon uso awe mañan ora cu cierto cuestionnan di financia ta pidi bo atencion y mehoracion. Atardi por trece e deses extravagante pa bo gasta tur bo placa cu bo tin.

AQUARIUS 21 Jan. - 19 Febr.

Esaki ta bira e miho periodo di luna pa hala atencion di otro, nan, hanja yudanza of solicitacion, tambe e posibilidad pa gana mas placa.

PISCES 20 febr. - 20 Maart.

Dedica bo awe completamente na debernan necesario. Durante sosiego of den kietud lo bo hanja resolucio pa bo problemanan. Hendenan di bon voluntad lo yudabo si bo bishitanan of scitnan.